

MALAYSIA
DEWAN NEGARA
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 6 DISEMBER 2023, PUKUL 10.00 PAGI

Bil. 31

PERTANYAAN-PERTANYAAN BAGI JAWAB LISAN

1. PN-1523-L10131
Datuk Noraini binti Idris minta **MENTERI LUAR NEGERI** menyatakan komitmen tanpa sempadan yang turut digalas oleh Duta-duta Besar Malaysia ke negara luar khususnya Duta Besar Malaysia ke Amerika Syarikat dalam menyampaikan pendirian hakiki Kerajaan Malaysia secara terus kepada Kerajaan-kerajaan luar berkenaan penentangan terhadap jenayah peperangan terhadap bumi Palestin.

2. PN-1523-L10539
Prof. Tan Sri Datuk Dr. Hj. Mohamed Haniffa bin Hj. Abdullah minta **MENTERI KESIHATAN** menyatakan apakah langkah-langkah yang diambil oleh Kementerian untuk meningkatkan kesedaran pemeriksaan kesihatan dan penyebaran literasi kesihatan yang lebih proaktif dan berhasil kepada rakyat memandangkan penyakit tidak berjangkit akibat budaya tidak sihat membawa peratusan kematian sebanyak 73% di negara kita.

3. PN-1523-L09863
Datuk Teo Eng Tee @ Teo Kok Chee minta **MENTERI SUMBER MANUSIA** menyatakan perancangan Kerajaan dalam mengurangkan kebergantungan kepada tenaga kerja asing bagi subsektor perkhidmatan tukang gunting rambut, pekerja tekstil dan tukang emas.

4. PN-1523-L10023
Datuk Bobbey Bin Suan minta **MENTERI PEMBANGUNAN KERAJAAN TEMPATAN** menyatakan :-
 - (a) senarai projek perumahan awam yang terbengkalai di seluruh Malaysia serta jumlah perumahan terbengkalai di Sabah dan Sarawak; dan
 - (b) pendekatan yang diambil untuk mengatasi masalah tersebut

5. PN-1523-L10113
Dato' Sri Ti Lian Ker minta **MENTERI KOMUNIKASI DAN DIGITAL** menyatakan garis panduan Kerajaan terhadap penggunaan peralatan teknikal, peranti dan aplikasi perisian dari negara-negara khususnya dari Amerika Syarikat dan China di bangunan-bangunan dan premis Kerajaan dalam melindungi data privasi negara daripada tersebar kepada negara luar yang mempunyai kepentingan tertentu.
6. PN-1523-L10220
Datuk Seri Dr. Mujahid bin Yusof minta **MENTERI EKONOMI** menyatakan usaha untuk melengkapkan maklumat data bersepadu bagi tujuan penyampaian bantuan yang lebih bersasar.
7. PN-1523-L10208
Dato' Juhanis binti Abd Aziz minta **MENTERI PERDAGANGAN DALAM NEGERI DAN KOS SARA HIDUP** menyatakan tindakan Kementerian sekiranya harga ayam di pasaran terus meningkat disebabkan tiada lagi subsidi dari Kerajaan atau kawalan harga dikenakan.
8. PN-1523-L10097
Datuk Dr. Haji Azhar bin Ahmad minta **MENTERI PEMBANGUNAN KERAJAAN TEMPATAN** menyatakan inisiatif yang diambil Kerajaan dalam membantu golongan penjaja tanpa premis untuk mendapatkan lesen penjaja dan lokasi perniagaan khususnya di kawasan luar bandar.
9. PN-1523-L10491
Tuan Haji Hussin bin Ismail minta **MENTERI PERTANIAN DAN KETERJAMINAN MAKANAN** menyatakan perbezaan Skim Insurans Takaful Agromakanan dan Skim Takaful Tanaman Padi dalam membantu melindungi kebajikan para petani dengan mengambil kira cuaca global yang ekstrem dan tidak menentu akhir-akhir ini.
10. PN-1523-L10150
Dato' Sri Vell Paari A/L Tun Samy Vellu minta **MENTERI PELABURAN, PERDAGANGAN DAN INDUSTRI** menyatakan jumlah peluang pekerjaan bernilai tinggi yang telah diwujudkan melalui program *National Investment Aspiration* (NIA) memandangkan data Kementerian menunjukkan 29% pekerjaan bernilai tinggi.

11. PN-1523-L10006
Tuan Manolan bin Mohamad minta **MENTERI SAINS, TEKNOLOGI DAN INOVASI** menyatakan bagaimana teknologi boleh diperkenalkan di dalam Perusahaan Mikro, Kecil dan Sederhana (PMKS) dan juga dalam bidang pertanian khususnya di luar bandar bagi meningkatkan hasil pengeluaran.
12. PN-1523-L10579
Tuan Musoddak bin Ahmad minta **MENTERI EKONOMI** menyatakan peruntukan khusus di bawah *Rolling Plan* Ketiga (RP3) dalam penyelarasan agenda pembasmian kemiskinan di seluruh negeri Kedah.
13. PN-1523-L10003
Datuk Wira Dr. Mohd Hatta bin Md Ramli minta **MENTERI PERTANIAN DAN KETERJAMINAN MAKANAN** menyatakan usaha yang telah dilakukan oleh Kementerian dalam meningkatkan usaha pertanian pintar selaras dengan agenda Rancangan Malaysia Ke-12 dan apakah hasil terkini daripada inisiatif ini.
14. PN-1523-L10394
Datuk Paul Igai minta **MENTERI KESIHATAN** menyatakan apakah status terkini kerja-kerja bagi pembinaan Klinik Kesihatan yang sedang dibina di tapak Lot 19351 Tabuan Jaya Bahagian Kuching.
15. PN-1523-L09924
Datuk Seri Hajah Zurainah binti Musa minta **MENTERI KERJA RAYA** menyatakan status penambahan laluan *radio-frequency identification* (RFID) di semua lebuh raya di Malaysia. Adakah pengumuman penggunaan pelaksanaan *Open Payment System* serta migrasi kepada sistem *Multi Lane Fast Flow* (MLFF) ini telah menyebabkan pihak syarikat konsesi tidak lagi mengutamakan penambahan laluan RFID.
16. PN-1523-L10468
Tuan Nik Mohamad Abduh bin Nik Abdul Aziz minta **MENTERI DALAM NEGERI** menyatakan jumlah penghuni penjara mengikut kapasiti sebenar jumlah penghuni di setiap penjara dan berapakah peratusan jumlah banduan baharu serta yang telah selesai menjalani hukuman.

17. PN-1523-L10217
Tan Sri Haji Mohamad Fatmi bin Che Salleh minta **MENTERI PEMBANGUNAN KERAJAAN TEMPATAN** menyatakan sejauh mana pelaksanaan untuk memperkenalkan *vacancy tax* bagi mengatasi masalah lambakan rumah tidak terjual dan penawaran unit rumah yang tidak setara dengan kemampuan rakyat.
18. PN-1523-L10558
Tuan Haji Abdul Nasir bin Haji Idris minta **MENTERI PERTAHANAN** menyatakan hasrat Kerajaan untuk menambah bilangan angkatan tentera tetap, simpanan dan sukarela sebagai persediaan pertahanan negara menghadapi situasi luar jangka.
19. PN-1523-L10052
Dr. Lingeshwaran A/L Dato' Seri R. Arunasalam minta **PERDANA MENTERI** menyatakan jumlah skim perkhidmatan awam yang masih dibayar gaji pokok di bawah paras gaji minima iaitu RM1,500 sebulan, contohnya seorang Konstabel Polis Diraja Malaysia (PDRM) yang baru hanya menerima gaji pokok permulaan sebanyak RM 1,441.
20. PN-1523-L10260
Dato' Shamsuddin bin Haji Abd Ghaffar minta **MENTERI PENDIDIKAN** menyatakan apakah punca masalah kekurangan guru dan bagaimanakah masalah ini boleh diatasi dengan segera.
21. PN-1523-L10158
Tuan Isaiah A/L D Jacob minta **MENTERI PEMBANGUNAN WANITA, KELUARGA DAN MASYARAKAT** menyatakan melalui Belanjawan 2023 yang telah diberikan, berapakah bangunan yang telah dilengkapi dengan kemudahan mesra Orang Kurang Upaya (OKU). Senaraikan bangunan tersebut untuk makluman orang awam.
22. PN-1523-L09856
Datuk Razali bin Idris minta **MENTERI KEMAJUAN DESA DAN WILAYAH** menyatakan pencapaian dalam membekalkan bekalan air di luar bandar, menaik taraf jalan di kampung dan desa, memasang dan menyelenggara lampu jalan kampung di negeri Terengganu sejak tahun 2018 sehingga sekarang.

23. PN-1523-L10623

Dato' Kesavadas A/L A.Achyuthan Nair minta **MENTERI PENDIDIKAN TINGGI** menyatakan bentuk galakan yang akan disediakan buat Institusi Pengajian Tinggi Awam (IPTA) seluruh negara bagi mewujudkan Klinik Bantuan Guaman seperti yang dilaksanakan oleh Fakulti Undang-undang Universiti Teknologi MARA (UITM) Kampus Shah Alam yang menyediakan khidmat nasihat perundangan kepada umum secara *pro bono*.

24. PN-1523-L09983

Tuan Manolan bin Mohamad minta **MENTERI KEMAJUAN DESA DAN WILAYAH** menyatakan adakah berlaku pengurangan atau pertambahan berkenaan banciaan kadar kemiskinan untuk Ketua Isi Rumah (KIR) masyarakat Orang Asli dalam tempoh 2010 hingga 2023.

25. PN-1523-L10017

Datuk Mohd Hisamudin bin Yahaya minta **MENTERI PENGANGKUTAN** menyatakan apakah langkah atau strategi yang telah diambil oleh Kementerian dalam memastikan pengguna yang telah membeli tiket penerbangan MyAirline dipulangkan dengan kadar segera dan apakah yang akan berlaku kepada pekerja-pekerja MYAirline yang telah kehilangan pekerjaan dan juga gaji yang tertunggak.

26. PN-1523-L09892

Datuk Haji Aziz bin Ariffin minta **MENTERI PEMBANGUNAN USAHAWAN DAN KOPERASI** menyatakan adakah terdapat sebarang penglibatan daripada koperasi-koperasi yang berkaitan dengan sektor agromakanan bagi membantu negara menghadapi krisis bekalan makanan.

27. PN-1523-L10434

Datuk Haji Mustafa bin Musa minta **MENTERI KEWANGAN** menyatakan :-

- (a) langkah-langkah yang perlu diambil dalam memastikan pengurusan syarikat berkaitan dengan Kerajaan (GLC) serta syarikat pelaburan berkaitan Kerajaan (GLIC) dapat meningkatkan prestasi pelaburan dan syarikat milik Kerajaan; dan
- (b) bagaimana Kerajaan menetapkan had risiko dan rosot nilai pasaran yang kecil agar prestasi dan pulangan cukai kepada Kerajaan menjadi lebih bermakna.

28. PN-1523-L10348
Dato' Ahmad bin Dato' Sri Hj. Ibrahim minta **MENTERI PEMBANGUNAN WANITA, KELUARGA DAN MASYARAKAT** menyatakan berapa jumlah kes penganiayaan dan penderaan terhadap kanak-kanak sehingga September 2023 dan apakah kaedah alternatif dari Kementerian mengatasi masalah ini.
29. PN-1523-L09848
Datuk Razali bin Idris minta **MENTERI KOMUNIKASI DAN DIGITAL** menyatakan jumlah sekatan yang dikenakan terhadap berita portal dan stesen televisyen yang digantung lesen dan operasi pada tahun 2018, 2019, 2020, 2021, 2022 dan 2023.
30. PN-1523-L10183
Dato' Sri Vell Paari A/L Tun Samy Vellu minta **MENTERI SUMBER MANUSIA** menyatakan berapakah jumlah agensi pekerjaan swasta yang berdaftar di bawah Kementerian dan apakah peranan serta tanggungjawab agensi-agensi ini.
31. PN-1523-L10440
Dato' Dr. Nelson A/L Renganathan minta **MENTERI PENDIDIKAN TINGGI** menyatakan sama ada Agensi Kelayakan Malaysia (MQA) bersedia dan mempunyai kepakaran untuk menilai kursus-kursus terkini yang melibatkan Revolusi Industri 5.0 / kecerdasan buatan (AI) kerana difahamkan bahawa terdapat pemohon Institusi Pengajian Tinggi Swasta (IPTs) yang terpaksa menunggu lama bagi mendapatkan akreditasi sementara.
32. PN-1523-L10519
Dato' Haji Husain bin Awang minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan sejauh mana Dasar Mineral Negara yang dirangka bergerak selari dengan Dasar Perhutanan Negara dan Dasar Kepelbagaian Biologi Kebangsaan bagi memelihara alam sekitar, hidupan liar dan Orang Asli.
33. PN-1523-L10295
Tuan Mohd Hasbie bin Muda minta **MENTERI KEWANGAN** menyatakan adakah insentif sumbangan RM500.00 bagi pencarum yang memiliki jumlah kurang RM10,000.00 dalam akaun 1 sebagaimana yang diumumkan dalam Belanjawan 2023 telah dilaksanakan serta berapa ramaikah pencarum yang telah menerima manfaat.

34. PN-1523-L09932

Dato' Dr. Ahmad Azam bin Hamzah minta **MENTERI LUAR NEGERI** menyatakan pendirian Malaysia terhadap hubungan diplomatik dengan negara-negara lain yang secara terang-terangan menyokong Israel dalam peperangan antara Israel dan Palestin.

35. PN-1523-L10589

Tuan Amir bin Md Ghazali minta **MENTERI PENDIDIKAN** menyatakan jumlah kutipan dana di sekolah-sekolah dalam pelaksanaan Minggu Solidariti Palestin serta apakah impak program ini kepada pendidikan anak-anak di sekolah.

36. PN-1523-L09912

Datuk Seri Hajah Zurainah binti Musa minta **MENTERI DALAM NEGERI** menyatakan apakah butiran proses permohonan kewarganegaraan yang kini hanya mengambil masa 14 hari seperti yang telah diumumkan. Sila nyatakan bahagian atau jawatankuasa yang terlibat di setiap peringkat. Adakah proses ini telah mengambil kira situasi di kaunter Jabatan Pendaftaran Negara (JPN) yang memilih untuk tidak mengambil borang permohonan.

37. PN-1523-L10037

Datuk Wira Dr. Mohd Hatta bin Md Ramli minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan langkah-langkah yang sedang diambil oleh Kementerian untuk menggalakkan amalan terbaik bagi rekaan, binaan dan pengurusan bangunan dengan menggunakan seni bina dan teknologi yang cekap untuk memaksimumkan penggunaan cahaya dan pengudaraan semula jadi dan mengurangkan penggunaan pencahayaan elektrik dan sistem penghawa dingin.

38. PN-1523-L09956

Dato Dr. Nuing Jeluing minta **MENTERI SUMBER MANUSIA** menyatakan apakah cabaran dan isu baru yang dihadapi ke arah pelaksanaan gaji minimum untuk pekerja di seluruh negeri serta berapa peratus majikan yang telah mematuhi arahan melaksanakan gaji minimum sehingga Disember 2022.

39. PN-1523-L10450

Tuan Nik Mohamad Abduh bin Nik Abdul Aziz minta **MENTERI KERJA RAYA** menyatakan apakah kualiti dalam proses pembinaan jalan dan kerenah birokrasi dalam penyaluran peruntukan.

40. PN-1523-L09961
Datuk John Ambrose minta **MENTERI PENDIDIKAN** menyatakan apakah inisiatif dan pendekatan yang akan dilaksanakan oleh Kementerian berikutan kegagalan 90,000 calon Sijil Pelajaran Malaysia (SPM) 2022 dalam subjek Matematik manakala 52,000 calon lagi tidak lulus dalam subjek Bahasa Inggeris.
41. PN-1523-L10568
Tuan Musoddak bin Ahmad minta **PERDANA MENTERI** menyatakan strategi bagi memperkukuh penyediaan makanan halal di restoran dan kedai-kedai makan berikutan peningkatan kes-kes kedai makan yang tiada sijil halal sejak kebelakangan ini.
42. PN-1523-L10285
Dato' Shamsuddin bin Haji Abd Ghaffar minta **MENTERI PEMBANGUNAN KERAJAAN TEMPATAN** menyatakan sejauh manakah pencapaian pemilikan rumah dalam kalangan Bumiputera di kawasan-kawasan bandar dan apakah usaha untuk meningkatkannya.
43. PN-1523-L10413
Dato' Sivaraj A/L Chandran minta **MENTERI PERDAGANGAN DALAM NEGERI DAN KOS SARA HIDUP** menyatakan :-
- (a) mengapakah kebanyakan pasar raya tidak mempunyai beras tempatan yang dikawal harga oleh Kerajaan kerana perkara ini membebankan penduduk Malaysia yang terpaksa membeli beras import yang mahal; dan
 - (b) apakah usaha pihak Kerajaan untuk menangani kenaikan harga bawang di Malaysia berikutan tindakan India sebagai negara pengeksport yang mengehadkan eksport bawang dengan menetapkan harga minimum sebanyak RM3,823 se tan.
44. PN-1523-L10547
Tuan Haji Abdul Nasir bin Haji Idris minta **MENTERI PENDIDIKAN** menyatakan pendirian Kementerian untuk menambah peruntukan kepada sekolah vernakular dan sekolah agama swasta.
45. PN-1523-L10287
Tuan Jaziri Alkaf Abdillah Suffian minta **MENTERI PENDIDIKAN TINGGI** menyatakan adakah Kementerian mempunyai perancangan untuk menambah kursus perguruan di universiti tempatan khususnya di Sarawak untuk mengisi keperluan di negeri tersebut.

46. PN-1523-L10219
Tan Sri Haji Mohamad Fatmi bin Che Salleh minta **MENTERI SUMBER MANUSIA** menyatakan langkah yang diambil untuk mengubah stigma kumpulan majikan supaya menggajikan bekas banduan agar dapat membantu menangani masalah kekurangan pekerja dan mengurangkan kebergantungan kepada pekerja asing.
47. PN-1523-L09976
Datuk John Ambrose minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan apakah usaha Kementerian dalam menyelesaikan masalah banjir di kawasan Parlimen Penampang dan usaha-usaha lain Kementerian mengatasi masalah ini yang kian meruncing.
48. PN-1523-L10370
Tuan Roderick Wong Siew Lead minta **MENTERI PERTANIAN DAN KETERJAMINAN MAKANAN** menyatakan jumlah penerima Geran Agropreneur Muda (GAM) yang telah dimanfaatkan di bawah Program Agropreneur Muda (PAM) sejak tahun 2022.
49. PN-1523-L10614
Dato' Kesavadas A/L A.Achyuthan Nair minta **MENTERI KESIHATAN** menyatakan rasional di sebalik kebenaran yang diberikan kepada sektor kesihatan swasta untuk mengajikan jururawat terlatih dari luar negara dan apakah jaminan bahawa kebenaran tersebut tidak akan memberi implikasi negatif kepada peluang untuk jururawat tempatan berkhidmat di hospital mahu pun klinik swasta.
50. PN-1523-L09882
Datuk Wira Koh Nai Kwong minta **MENTERI DALAM NEGERI** menyatakan status terkini pelaksanaan Program Rekalibrasi Tenaga Kerja yang dibuka sehingga 31 Disember 2023 dan berapakah jumlah Pendatang Asing Tanpa Izin (PATI) yang telah diberi kelonggaran untuk membolehkan mereka diambil bekerja sebagai pekerja yang sah dan digajikan oleh majikan yang layak.
51. PN-1523-L10071
Dr. Lingeshwaran A/L Dato' Seri R. Arunasalam minta **MENTERI PENDIDIKAN TINGGI** menyatakan :-
- (a) bilangan dan kadar kemasukan pelajar berbangsa India ke Institusi Pendidikan Tinggi pada tahun ini; dan
 - (b) jumlah pelajar berbangsa India yang layak tetapi tidak mendapat tempat untuk tiga pilihan utama jurusan pengajian yang telah dipohon oleh mereka.

52. PN-1523-L10114
Datuk Noraini binti Idris minta **MENTERI KEMAJUAN DESA DAN WILAYAH** menyatakan tempoh siap pelaksanaan bagi setiap agenda pembangunan semula kampung yang akan ditumpukan di Sabah khususnya yang melibatkan pembinaan semula jalan raya desa, pemasangan lampu jalan baharu, menaik taraf jambatan usang serta pembekalan elektrik dan air bersih.
53. PN-1523-L10317
Datuk Lim Pay Hen minta **MENTERI EKONOMI** menyatakan status terkini kajian terhadap cadangan untuk mengurangkan Permit Diluluskan (AP) dan Permit Import (IP) yang dijangka dapat menurunkan harga barang dan meringankan kesan inflasi.
54. PN-1523-L09828
Tuan Abun Sui Anyit minta **MENTERI PERTANIAN DAN KETERJAMINAN MAKANAN** menyatakan langkah-langkah yang perlu diambil untuk memastikan projek penanaman secara besar-besaran di Sarawak mencapai kejayaan berserta dengan contoh-contoh kawasan penanaman padi.
55. PN-1523-L10319
Tuan Mohd Hasbie bin Muda minta **MENTERI PEMBANGUNAN KERAJAAN TEMPATAN** menyatakan apakah usaha Kerajaan untuk memperkasa Pihak Berkuasa Tempatan (PBT) supaya setanding dengan PBT-PBT di negara-negara maju dari segi kecekapan khidmat kepada rakyat.
56. PN-1523-L10470
Dr. Wan Martina binti Wan Yusoff minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan :-
- (a) pada tahap manakah pembangunan ladang solar di Malaysia dan berapakah jumlah pengguna teknologi solar bagi pengguna domestik; dan
 - (b) apakah perancangan Kerajaan untuk menggalakkan pengguna menggunakan tenaga solar.
57. PN-1523-L10139
Datin Ros Suryati binti Alang minta **MENTERI PENGANGKUTAN** menyatakan situasi terkini penggantungan operasi syarikat penerbangan tambang murah MYAirline Sdn Bhd yang berlaku secara tiba-tiba sehingga menjejaskan sebahagian besar penumpang yang telah membeli tiket termasuk juga kakitangan syarikat penerbangan tersebut serta tindakan yang telah diambil oleh Kerajaan berhubung perkara ini.

58. PN-1523-L10511

Dato' Haji Husain bin Awang minta **MENTERI KEWANGAN** menyatakan :-

- (a) justifikasi pelaksanaan Akaun Fleksibel atau Akaun 3 Kumpulan Wang Simpanan Pekerja (KWSP) secara terperinci; dan
- (b) peranan akaun tersebut dalam meringankan beban kewangan rakyat memandangkan ia tidak akan menerima jumlah dividen yang sama seperti Akaun 1 dan 2.

59. PN-1523-L10527

Datuk Dr. Dominic Lau Hoe Chai minta **MENTERI PENDIDIKAN TINGGI** menyatakan ulasan Kementerian terhadap isu kenaikan yuran perkhidmatan Universiti Malaya (UM) untuk sesi akademik yang baru dan apakah mekanisme yang sedia ada yang diambil oleh Kementerian dalam mengawal yuran pengajian dan perkhidmatan di Institusi Pengajian Tinggi Awam (IPTA) supaya ia tidak membebankan pelajar.

60. PN-1523-L10198

Dato' Juhanis binti Abd Aziz minta **MENTERI PELANCONGAN, SENI DAN BUDAYA** menyatakan strategi Kementerian untuk mempromosi dan mempelbagaikan aktiviti pelancongan dalam negara (domestik) dan apakah perancangan Kerajaan dalam mempromosi Negeri Pahang.

61. PN-1523-L10402

Dato' Sivaraj A/L Chandran minta **MENTERI PERTAHANAN** menyatakan apakah langkah yang diambil oleh Kementerian untuk menarik minat rakyat bukan Bumiputera untuk menyertai perkhidmatan Angkatan Tentera Malaysia (ATM).

62. PN-1523-L10087

Tuan Seruandi bin Saad minta **MENTERI PELANCONGAN, SENI DAN BUDAYA** menyatakan apakah perancangan Kementerian dalam mempromosikan Negeri Perlis agar turut menjadi pilihan utama pelancongan pada Tahun Melawat Malaysia yang diumumkan pada 2026 kelak.

63. PN-1523-L09870

Datuk Teo Eng Tee @ Teo Kok Chee minta **MENTERI PENDIDIKAN** menyatakan jumlah peruntukan yang diberikan oleh Kementerian kepada sekolah vernakular bagi tahun 2023 dan yang telah diperuntukkan dalam Belanjawan 2024.

64. PN-1523-L10252

Tan Sri Dato' Low Kian Chuan minta **MENTERI EKONOMI** menyatakan langkah-langkah yang akan diambil oleh Kerajaan untuk mencegah kebocoran data dan juga melindungi privasi data pusat Pangkalan Data Utama (PADU).

65. PN-1523-L10386

Tuan Roderick Wong Siew Lead minta **MENTERI KESIHATAN** menyatakan langkah yang diambil oleh Kerajaan bagi membantu pesakit hemodialisis dan mengatasi masalah kekurangan mesin dialisis di hospital Kerajaan.

66. PN-1523-L10345

Dato' Ajis bin Sitin minta **MENTERI KEMAJUAN DESA DAN WILAYAH** menyatakan :-

- (a) impak Program Pembentukan Usahawan Orang Asli yang dianjurkan oleh Jabatan Kemajuan Orang Asli (JAKOA) kepada masyarakat Orang Asli sejak sekian lama; dan
- (b) jumlah peserta program tersebut yang telah berjaya dan kini mampu bersaing dengan rakan-rakan mereka di peringkat nasional.

ATURAN URUSAN MESYUARAT DAN USUL-USUL

- | | | | |
|----|-----------------|---|--------------------------|
| 1. | (D.R.31/2023) | Rang Undang-Undang Perbekalan 2024 -
Menyambung semula Perbahasan atas masalah “Bahawa Rang Undang-undang ini dibacakan kali kedua sekarang”.

(5 Disember 2023)

[Menteri Kewangan] | Bacaan Kali Kedua |
| 2. | (D.R.36/2023) | Rang Undang-Undang Kewangan (No.2) 2023

[Menteri Kewangan] | Bacaan Kali Kedua |
| 3. | (D.R.33/2023) | Rang Undang-Undang Syarikat (Pindaan) 2023

[Menteri Perdagangan Dalam Negeri dan Kos Sara Hidup] | Bacaan Kali Kedua |
| 4. | (D.R.42/2023) | Rang Undang-Undang Kawalan Produk Merokok Demi Kesihatan Awam 2023

[Menteri Kesihatan] | Bacaan Kali Kedua |
| 5. | (D.R.26/2023) | Rang Undang-Undang Makanan (Pindaan) 2023

[Menteri Kesihatan] | Bacaan Kali Kedua |
| 6. | (D.R.40/2023) | Rang Undang-Undang Suruhanjaya Hak Asasi Manusia Malaysia (Pindaan) 2023

[Menteri di JPM (Undang-undang dan Reformasi Institusi)] | Bacaan Kali Kedua |
| 7. | (D.R.28/2023) | Rang Undang-Undang Kecekapan dan Konservasi Tenaga 2023

[Menteri Sumber Asli, Alam Sekitar dan Perubahan Iklim] | Bacaan Kali Kedua |
| 8. | (D.R.29/2023) | Rang Undang-Undang Bekalan Elektrik (Pindaan) 2023

[Menteri Sumber Asli, Alam Sekitar dan Perubahan Iklim] | Bacaan Kali Kedua |

9. **Usul dibuat oleh Menteri Ekonomi dan masalah dicadangkan :-**

"(a) **BAHAWA** Dewan ini,

memahami akan perlunya satu dasar untuk mereformasi pasaran kerja melalui Kertas Putih Cadangan Dasar Gaji Progresif agar golongan pekerja mendapat gaji yang lebih tinggi seiring dengan peningkatan produktiviti.

mendukung aspirasi Kerajaan untuk menstruktur ekonomi ke arah Malaysia sebagai sebuah negara berpendapatan tinggi dengan memperkenalkan dasar gaji yang dijangka berupaya mengurangkan ketidaksamarataan pendapatan, meningkatkan produktiviti pekerja dan daya saing syarikat.

menyokong usaha pelaksanaan Dasar Gaji Progresif yang akan dimulakan dengan projek rintis bagi menentukan keberkesanan dan ketersediaan sebelum pelaksanaan Dasar Gaji Progresif dibuat secara menyeluruh; dan

menyeru semua pihak berkepentingan untuk bersama-sama memikul tanggungjawab dalam menjayakan usaha ini sejajar dengan pendekatan kolektif dengan semua pihak termasuk Kerajaan, majikan dan pekerja.

(b) **BAHAWA** dalam meluluskan Kertas Putih Cadangan Dasar Gaji Progresif supaya menjadi hala tuju reformasi pasaran kerja negara seperti yang dinyatakan dalam Kertas Perintah CMD.69 Tahun 2023 iaitu Kertas Putih Cadangan Dasar Gaji Progresif."

[Menteri Ekonomi]